

四庫全書

經部

欽定四庫全書

御製律呂正義後編卷九十八

樂章考六 郊祀

宋二

宋大享明堂樂章

案宋史樂志曰仁宗景祐時大享明堂真宗配位奠幣用誠安酌獻用德安凡二章

真宗配位奠幣用誠安

思文聖考對越在天侑神作主奉幣申虔

酌獻用德安

偃草興文封巒考瑞威烈巍巍允膺宗祀

皇祐明堂樂章

案宋史樂志曰仁宗皇祐時親享明堂降神用誠
安奠玉幣用鎮安酌獻用慶安三聖配位奠幣用
信安酌獻用孝安送神用誠安凡六章

降神用誠安

維聖享帝維孝感親肇圖世室躬展精禋鏞鼓既設籩
豆既陳至誠攸感保格上神

奠玉幣用鎮安

乾亨坤慶育函生路寢明堂致潔誠玉帛非馨期感格

降康億載保登平

酌獻用慶安

肅肅路寢祀惟明堂二儀鑒止三聖侑旁靈期訢合祠
節齊莊至誠並貺降福無疆

三聖配位奠幣用信安

祖功宗德啟隆熙嚴配交修太室祠圭幣薦誠知顧享
本支錫美固邦基

酌獻用孝安

藝祖造邦二宗紹德肅雍孝享登配圜極先訓有開菲躬何力歌馨錫美保民麗億

送神用誠安

我將我享辟公顯助獻終亶徹禮成樂具飾駕上遊升裡高驚神保聿歸介茲景祚

嘉祐明堂樂章

案宋史樂志曰仁宗嘉祐時親享明堂降神用誠安送神用誠安凡二章

降神用誠安

暘暘房心下照重屋我嚴帝親匪配之漬西顥沆碣夕
景已肅靈其來娛嘉薦芳郁

送神用誠安

明明合宮莫尊享帝禮樂熙成精與神契桂尊初闌羽
駕倏逝遺我嘉祥於顯萬世

熙寧明堂樂章

案宋史樂志曰神宗熙寧以後祀明堂英宗奠幣

用誠安酌獻用德安凡二章

英宗奠幣用誠安

於皇聖考克配上帝永言孝思昭薦嘉幣

酌獻用德安

英聲邁古德施在民允秩宗祀賓延上神

元符明堂樂章

案宋史樂志曰哲宗元符親郊明堂皇帝升降用儀安上帝位奠玉幣用鎮安神宗奠幣用信安奉

俎用禧安上帝位酌獻用慶安配位酌獻用德安
退文舞迎武舞用穆安亞獻用穆安飲福用昨安
徹豆用欽安歸大次用總安凡十有一章

皇帝升降用儀安

嚴父配天孝孚明堂與奠升階降旨以將天步有節帝
容必莊辟公憲之禮無不臧

上帝位奠玉幣用鎮安

聖能享帝孝克事親於皇宗祀盛節此陳何以薦虔二

精有煒何以致祥上天鑒止

神宗奠幣用信安

合宮禮備時維哲王堂筵四敞明德馨香聖考來格降
福穰穰承承繼繼萬祀其昌

奉俎用禧安

奕奕明堂天子即事奠我聖考配于上帝凡百有職疇
敢不祗俎潔牲肥其登有儀

上帝位酌獻用慶安

惟禮不瀆所以嚴親惟孝不匱所以教民陟配文考享
于大神重禧累福祚裔無垠

配位酌獻用德安

隆功駿德兩有烈光陟配宗祀惠我無疆

退文舞迎武舞用穆安

舞以象功樂惟崇德文經萬邦武靖四國一張一弛其
儀不忒神鑒孔昭孝思維則

亞獻用穆安

於昭盛禮嚴父配天盡物盡誠莫匪吉蠲重觴既薦九
奏相宣神介景福億萬斯年

飲福用昨安

莫尊乎天莫親乎父既享既侑誠申禮舉宴擊堂上八
音始具天子億齡飲神之昨

徹豆用欽安

穆穆在堂肅肅在庭於顯辟公來相思成神既歆止有
聞無聲錫我休嘉燕及羣生

歸大次用憩安

有奕明堂萬方時會宗子聖考作帝之配樂酌虞典禮
從周志釐事既成於皇來暨

大觀明堂樂章

案宋史樂志曰徽宗大觀宗祀明堂奠玉幣用鎮
安配位奠幣用信安酌獻用孝安配位酌獻用大
明凡五章

奠玉幣用鎮安 二章

交于神明內心為貴外致其文亦效精意嘉玉既陳將
以量幣肅肅雖惟帝之對

有邦事神享帝為尊內心致德外示彌文嘉玉效珍薦
以量幣恭欽伊何惟以宗祀

配位奠幣用信安

肇祀明堂告成大報顯顯祗祗率見昭考涓選休成齊
明朝夕於惟皇王孝思罔極

酌獻用孝安

若昔大猷孝思維則永言孝思丕承其德於昭明威侑于上帝賚我思成永綏福祉

配位酌獻用大明

於昭皇考大明體神憲章文思宜民宜人嚴父之道陟配于天躬行孝告有孚于先

紹興明堂樂章

案宋史樂志曰高宗紹興親享明堂皇帝入門用儀安升堂用儀安降神用誠安盥洗用儀安上帝

位奠玉帛用鎮安皇地祇位奠玉帛用嘉安太祖
位奠幣用廣安太宗位奠幣用化安徽宗位奠幣
用泰安皇帝還位用儀安尚書捧俎用禧安昊天
上帝位酌獻用慶安皇地祇位酌獻用彰安太祖
位酌獻用孝安太宗位酌獻用韶安徽宗位酌獻
用成安皇帝還小次用儀安文舞退武舞進用穆
安亞獻終獻各用穆安皇帝飲福用昨安徹豆用
歆安送神用誠安望燎用儀安望瘞用儀安還大

次用憩安凡二十六首

皇帝入門用儀安

惟我有宋昊天子之三年卜祀百世承基施及冲眇奉
牲以祠敢忘齋栗遍舉上儀

升堂用儀安

於赫明堂肇稱禋祀祖宗來游亦侑于帝九州駿奔百
辟咸事斂時純休錫我萬世

降神用誠安

噫神何親惟德是輔玉牲具陳誠則來顧我開明堂遵國之故尚蒙居歆以薦宗祜

盥洗用儀安

肇開九筵維古之倣皇皇大神來顧來享庶儀交修百辟顯相微誠自中交際天壤

上帝位奠玉幣用鎮安

皇皇后帝周覽四方眷我前烈燕娛此堂金支秀發黼帳高張世歆明祀曰宋是常

皇地祇位奠玉幣用嘉安

至哉坤元持載萬物繼天神聖觀世治忽頌祇之堂薦以圭黻孰為邦休四海無拂

太祖位奠幣用廣安

推尊太元重屋為盛誰其配之我祖齊聖開基握符正位凝命於萬斯年孝孫薦慶

太宗位奠幣用化安

帝神來格靡祀不從侑坐而食獨升祖宗在庭祇肅展

采錯重三獻之禮百年之容

徽宗位奠幣用泰安

於穆帝臨至矣元造克配其儀惟我文考仁恩廣覃奕
葉永保宗祀惟初以揚孝道

皇帝還位用儀安

耳聽銅玉目瞻煥珠樂備周奏儀參漢圖神人並況天
地同符亦既見帝王心則愉

尚書捧俎用禧安

展牲登俎蕭韶在庭羞陳五室意徹三靈匪物斯享惟
誠則馨永作祭主神其億寧

昊天上帝位酌獻用慶安

日在東陸維時上辛肇開陽館恭禮尊神蒼玉輝夜紫
烟煬晨祖宗並配天地同禋

皇地祇位酌獻用彰安

地褰泰圻歌同我將黜牲純潔絲竹發揚博厚而久含
洪以光扶持宗社曰薦不忘

太祖位酌獻用孝安

一德開基百年垂統中天禘郊薄海朝貢寶龜相承器
鼎加重澤深慶綿帝復命宋

太宋位酌獻用韶安

紹天承業繼世立功惟幄屢勝車書始同武掃氛霧文
垂日虹遺澤所及孰知其終

徽宗位酌獻用成安

欽惟合宮承神至尊祇戒專精儼然若存奠茲嘉觴蒞

蘭其芬發祉賁祥以予以孫

皇帝還小次用儀安

匏尊既舉黼席未移有德斯顧靡神不娛物情肅穆天宇清夷宅中受命永復邦基

文舞退武舞進用穆安

神之歟至慶陰杳冥風馬雲車恍若有承備形聲容於昭文明庶幾嘉虞來享來寧

亞獻用穆安

四阿有嚴神既戾止備物雖儀潔誠惟已有來振振相
我熙事載酌陶匏以成毖祀

終獻用穆安

誠一為專禮三而稱孰陪邦祠惟我同姓金絲屢調圭
玉交映是謂熙成福來神聽

皇帝飲福用胙安

孰謂天遠至誠則通孰謂地厚與天則同惠我純嘏克
成大功握圖而治如日之中

徹豆用歆安

工祝告休笙鏞云闋酒茅既除牲俎斯徹幽明罔恫中
外咸悅禮成伊何夫地同節

送神用誠安

奕奕宗祀煌煌禮文高靈下墮精意升聞熙事既畢忽
乘青雲敢拜明貺永清世氛

望燎用儀安

載酌載獻以純以精歌傳夜誦物備秋成報本斯極聽

卑則明願儲景貺福我羣生

望瘞用儀安

禮協豐融誠交彷彿辟公受膳宗祀臨瘞貽我來牟以興嗣歲山川出雲天地同氣

還大次用憩安

應天以實已事而竣籙案朝帝竹宮拜神靈光下燭協氣斯陳福祿時萬基圖日新

紹興淳熙明堂樂章

案宋史樂志曰紹興淳熙分命館職定撰明堂樂
章降神用景安盥洗用正安升殿用正安上帝位
奠玉幣用嘉安太宗位奠幣用宗安捧俎用豐安
上帝位酌獻用嘉安太宗位酌獻用德安文舞退
武舞進用正安亞終獻用文安徹豆用肅安送神
用景安高宗位奠幣用宗安酌獻用德安凡十七
章又按孝宗親享明堂樂曲並同惟天地位奠幣
酌獻及太祖酌獻皇帝入小次還大次亞獻送神

等篇各有刪潤又以太祖奠幣曲改名廣安酌獻
改名恭安太宗奠幣改名化安酌獻改名英安餘
俱仍舊名

降神用景安

圜鐘為宮

上直房心時惟明堂配天享親宗祀有常盛德在金日
吉辰良享我克誠來格來康

黃鐘為角

合宮盛德金商令時備成熙事蒐揚上儀駿奔在庭精
意肅祇來享嘉薦神靈燕娛

太簇為徵

休德孔昭靈承上帝孝極尊親嚴配於位嘉薦芬芳禮
無不備神其格思享茲誠至

姑洗為羽

霜露既降孝思奉先陟降上帝禮隆九筵有馨黍稷有
肥牲牷神來燕娛想像肅然

盥洗用正安

禮經之重祭典為宗上公攝事進退彌恭庶品豐潔令儀肅雍百祥萃止惟吉之從

升殿用正安

皇祖配帝歲祀明堂冕服陟降玉佩瑤瑤疾徐有節進止克莊維時右享日靖四方

上帝位奠玉幣用嘉安

大享季秋百執揚厲明明太宗赫赫上帝祇薦忱誠式

嚴圭幣祚我明德錫茲來裔

太宗位奠幣用宗安

穆穆皇祖丕昭聖功聲律身度樂備禮隆祇薦量幣祀
于合宮玉帛萬國驩心載同

奉俎用豐安

備物昭陳工祝告具維羊維牛孔碩孔庶有嘉維馨加
食宜飫斂時五福永膺豐祚

上帝位酌獻用嘉安

睠彼房心明明有融維聖享帝禮行合宮祀事時止粢
盛潔豐昭受申命萬國攸同

太宗位酌獻用德安

受命溥將勲高百王寰宇大定聖治平康有嚴陟配宗
祀明堂神保是格申錫無疆

文舞退武舞進用正安

溫厚嚴凝於皇上帝文德武功列聖並配舞綴象成肅
雍進退秉翟跋躡總干蹈厲

亞終獻用文安

總章靈承維國之常禮樂宣鬯降升齊莊竭誠盡志薦
茲累觴於昭在上申錫無疆

徹豆用肅安

於皇上帝肅然來臨恭薦芳俎以達高明烹飪既事享
于克誠以介景福惟德之馨

送神用景安

帝在合宮鑒觀盛禮黍稷惟馨神心則喜禮備樂成亦

既歸止億萬斯年以貺多祉

高宗位奠幣用宗安

赫赫高廟于克有光覆被萬祀冠冕百王有量斯幣蠲
潔是將在帝左右維時降康

酌獻用德安

炎運中興蒼生載寧九秩燕豫三紀豐凝精祀上帝陟
配威靈錫美祚祉萬世承承

宋祀皇地祇樂章

案宋史樂志曰真宗景德祀皇地祇降神用靜安奠
玉幣酌獻並用嘉安送神用靜安凡三章

降神用靜安

至哉厚德陟配天長沈潛剛克廣大無疆資生萬物神
化含章同和八變神靈效祥

奠玉幣酌獻用嘉安

於昭祀典致享坤儀備物咸秩柔祇格思功宣敏樹日
益鴻禧持載品彙率土攸宜

送神用靜安

妙用無方倏來忽逝蠲潔寅恭式終裡瘞

景祐夏至祀皇地祇樂章

案宋史樂志曰仁宗景祐夏至祀皇地祇御製樂章太祖奠幣用恭安酌獻用英安凡二章

太祖奠幣用恭安

赫矣淳耀俶載帝基一戎以定萬國來儀寅恭潔祀博厚皇祇威靈攸在福祿如茨

酌獻用英安

丕命惟皇萬物咸覩卜年邁周崇功冠禹有噬炎精大
昌聖祚酌鬯祈年永錫繁祐

熙寧祀皇地祇樂章

案宋史樂志曰神宗熙寧祀皇地祇迎神用導安
升降用靖安奠幣用釐安太祖用肇安司徒奉俎
用承安酌獻用和安太祖用侑安飲福用禔安退
文舞迎武舞用威安亞終獻用儀安徹豆用豐安

送神用阜安凡十有二章

迎神用導安

昭靈積厚混混坤輿配天作極陰慘陽舒齊明薦享百福其儲庶幾來止風馬雲車

升降用靖安

有來穆穆臨此方丘其行風動其止霆收躬事匪懈豐盛潔羞百昌咸殖允矣神休

奠幣用釐安

純誠昭融芳美嘉薦肅將二精以享以奠休光四充靈
祇來燕其祥伊何永世錫美

太祖用肇安

於皇烈祖維帝所興光輝宗祀如日之升告靈作配孝
享烝烝錫茲祉福百世其承

司徒奉俎用承安

我修祀事于何致誠罔敢怠佚視茲碩牲納烹薦俎侑
以和聲格哉休應世濟皇明

酌獻用和安

猗嗟富媪博厚含宏發榮敷秀動植茲豐爰酌茲酒盼
嚮交通衆祥萃止垂祐無窮

太祖用侑安

光大含宏坤元之力海宇咸寧烈祖之德作配方壇不
僭不忒子孫其承毋替厥則

飲福用禋安

載登壇阼載酌尊彝牲酒嘉旨福祿純熙其福維何萬

物咸宜其祿維何永承神禧

退文舞迎武舞用威安

雍雍肅肅建我采旄舞以玉戚不吳不敖其將其肆脾
膝嘉肴何以侑樂鐘鼓管簫

亞終獻用儀安

折俎在遵歲羹在豆何以酌之酒醴是侑何以錫之貽
爾眉壽何以格之永爾康阜

徹豆用豐安

曳我黼黻履舄接武鏘我珎璜降升圉圉其將肆兮既
曰不悔其終徹兮恭欽惟主

送神用阜安

神兮來下享此苾芬酌獻雍雍執事孔勤神之還矣忽
乘飛雲遺我祺祥物象忻忻

常祀皇地祇樂章

案宋史樂志曰常祀皇地祇迎神用寧安升降用
正安奉俎用豐安退文舞迎武舞用威安送神用

寧安凡五章

迎神用寧安八變

坤元之德光大無疆一氣交感百物阜昌吉蠲致享精
明是將介茲景福鼎祚靈長

升降用正安

禮經之重祭典為崇上公攝事登降彌恭庶品豐潔令
儀肅雍百祥萃止惟吉之從

奉俎用豐安

禮崇禋祀神鑒孔明牲牷博膋以魚以烹馨香蠲潔品
物惟精錫以純嘏享茲至誠

退文舞迎武舞用威安

進旅退旅載揚干楊不愆于儀容服有章式綏式侑神
保是聽鼓之舞之神永安寧

送神用寧安

物備百嘉樂周八變克誠是享明德斯薦神鑒孔昭蕃
禧錫美回馭飄然邈不可見

紹興祀皇地祇樂章

案宋史樂志曰高宗祀皇地祇迎神用寧安盥洗
用正安升殿用正安正位奠玉幣用嘉安太祖位
奠幣用定安捧俎用豐安正位酌獻用光安太祖
位酌獻用英安文舞退武舞進用正安亞終獻用
文安徹豆用娛安送神用寧安凡一十五章
迎神用寧安

函鐘為宮

至哉厚德物生是資直方維則翕闢攸宜於昭祀典致
享坤儀禮罔不答神之格思

太簇為角

歲事方丘舊典時式至誠感神馨非黍稷盼嚮來臨鑒
茲明德永錫坤珍時萬時億

姑洗為徵

至哉坤元乃順承天厚德載物含洪八埏日北多暑祀
儀吉蠲式昭母事敢告恭虔

南呂為羽

歲事方丘情文孔時名山大澤侑祭無遺牲陳黝黜樂
備咸池柔祇皆出介我繁禧

盥洗用正安

於穆盛禮肅肅在宮歲事有初置于東榮滌濯是謹惟
寅惟清祇薦柔嘉享茲克誠

升殿用正安

景風應時聿嚴禋祀用事方丘鉶鉶濟濟登降有節三

獻成禮神其格思錫我繁祉

正位奠玉幣用嘉安

坤元博厚對越天明展事方澤亶惟顧歆嘉玉量幣祗薦純精錫我繁祉燕及函生

太祖位奠幣用定安

建祀泰圻柔祇是承於赫藝祖道格三靈式嚴配侑厚德惟寧爰昭薦幣享於克誠

捧俎用豐安

丕答靈貺歲事方丘豆登在列鼎俎斯儔牲牷告具寅
畏彌周柔祇昭格飈至雲流

正位酌獻用光安

祇事坤元飭躬敢憚爰潔粢盛載嚴圭瓚清明內融嘉
旨外粢介我繁釐時億時萬

太祖位酌獻用英安

皇矣藝祖九圍是式至哉柔祇萬彙允殖保茲嘉邦介
我黍稷酌鬯告虔作配無極

文舞退武舞進用正安

於穆媪神婉德彼天我修祭祀以莫不虔肆陳時夏千羽相宣靈其來游降福綿綿

亞終獻用文安

禮有祈報國惟典常遵豆豐潔升降齊莊備物致志式薦累觴昭格來享自天降康

徹豆用娛安

承天效法其道貴誠牲羞黃牷薦德之馨芳俎告畢禮

備樂盈既靜既安庶物霑生

送神用寧安

至厚至深其動也剛精誠默通或出其藏神之言歸化
斯有光相我炎圖萬世無疆

宋祀神州地祇樂章

案宋史樂志曰宋初祀神州地祇降神用靜安奠玉
幣酌獻用嘉安送神用靜安凡三章

降神用靜安

撫撫郊原茫茫寓縣畫野分疆禹功疏奠靈祇是臻亘
邊祇薦幽贊皇圖視之不見

奠玉幣酌獻用嘉安

盼蠻儲靈肅恭用幣錡洋導和洪休允契嘉氣雲蒸浹
于華裔式薦坤珍聿符明世

送神用靜安

獻奠云畢純嘏祁祁威靈藏用邈矣何之

景祐祀神州地祇樂章

案宋史樂志曰仁宗景祐孟冬祭神州地祇太宗
位奠幣用化安酌獻用韶安凡二章

太宗位奠幣用化安

削平偽邦嗣興鴻業禮樂交修仁德該洽柔祇薦享量
幣攸攝侑坐延靈神休允答

酌獻用韶安

有煒彌文克隆宏構貽此燕謀具膺多祐嶰律吹葍彝
尊奠酒佐乃沈潛永祈豐楙

元符祭神州地祇樂章

案宋史樂志曰哲宗元符祭神州地祇迎神用寧安送神用寧安凡二章

迎神用寧安

八變

膺膺浚邦皇天是宅必有幽贊聰明正直布列邊豆考擊金石中外謐寧繫神之力

送神用寧安

都邑浩穰民物富盛主以靈祇昭乃丕應玉帛牲粢鐘

鼓莞磬祇薦攸歆歸于至靜

紹興祀神州地祇樂章

案宋史樂志曰高宗紹興祀神州地祇迎神用寧
安盥洗用正安升殿用正安神州地祇位奠玉幣
用嘉安太宗位奠幣用嘉安奉俎用豐安神州地
祇位酌獻用嘉安太宗位酌獻用化安文舞退武
舞進用文安亞終獻用文安徹豆用成安送神用
寧安望瘞用正安凡十有六章

迎神用寧安

函鐘為宮

芒芒下土恢恢方儀富媪統攝潛運八維爰稱元祀告
備吉時揭茲虔恭優其格思

太簇為角

洪惟坤元道著品物上配紫旻後載其德良月肇歲祭
器布列必先皇祇以迓景福

姑洗為徵

塊軋無垠磅礴罔測山盈川冲自生自植其報惟何率
禮靡忒億萬斯年功被無極

南呂為羽

翕闢以時協氣陶蒸播之金石鉶厥和聲寘寘朏朏孔
亨純誠是聽是娛邦基永寧

盥洗用正安

晨煬致煙渟然四施飄飄風馬彷彿來斯祀事惟清沃
之盥之載涓載肅罔有愧辭

升殿用正安

崇崇其壇屹矣層級佩約步趨降登中卽左瞻右睨祥
風藹集旂旆羽紛昭鑒翊翊

神州地祇位奠玉幣用嘉安

璇璣諧序籍斂薦嘉昭答柔祇迭奏雅歌幣琮以侑儀
腆氣和靈其溥臨容與燕娛

太宗位奠幣用嘉安

穆穆令聞溥博有容澤被萬宇靡不率從恭陳量幣明

薦其衷禮亦宜之享德攸同

奉俎用豐安

肅肅嘉承唯德其物工祀以告繄民之力神哉廣生孔
蕃且碩奠于嘉壇吐之則弗

神州地祇位酌獻用嘉安

恭承明祀嘉薦令芳亦有桂酒誠慤是將瑟瓚以酌效
懽厥觴庶乎燕享永懷不忘

太宗位酌獻用化安

宗德含洪方祇可擬闢土開疆八埏同軌是用作配有
永無紀裸獻以享茂格蕃祉

文舞退武舞進用文安

奕奕綴兆咸池孔彰丕闡文德靡忘發揚進退有節乃
容之常樂備爾奏盥盥榮光

亞終獻用文安

縮酌以裸既旨且多二獻有序情文愈加黃祇臨享錫
以休嘉廣茲靈稷覃及邇遐

徹豆用成安

展牲告全迺登于俎竣事而徹侑以樂語奉釐宣室祚
我神主斂敷庶民並受其祐

送神用寧安

雲馭洋洋既歆既顧悠然聿歸曷求厥路欽想頌堂跂
立以慕賚我盼蠻莫不懌豫

望瘞用正安

神罔怨恫燕其有喜歲事告成爰修瘞禮樂闋儀備休

氣四起尚謹不愆念終如始

宋朝日樂章

案宋史樂志曰真宗景德朝日降神用高安奠玉幣酌獻用嘉安送神用高安凡三章

降神用高安

六變

陽德之母義御寅賓得天久照首茲三辰正辭備物肅肅振振淪精降監克享明禋

奠玉幣酌獻用嘉安

醴齊良潔有牲斯純大采玄冕乃昭其文王宮定位葉
盛必芬民事以敘盛德升聞

送神用高安

縣象著明照臨下土降福穰穰德施周普

紹興朝日樂章

案宋史樂志曰高宗紹興朝日降神用高安初獻
升殿用正安奠玉幣用嘉安奉俎用豐安酌獻用
嘉安亞終獻用文安送神用禮安凡十章

降神用高安

圜鐘為宮

玄鳥既至序屬春分朝于太陽厥典備存載嚴大采示
民有尊揚光下燭煜燭東門

黃鐘為角

升暉麗天陽德之母率無頗偏兼燭下土恭事崇壇禮
樂具舉頤御六龍徘徊容與

太簇為徵

周祀及闔漢制中營盼蠻是屆禮神以兄我潔斯璧我
肥斯牲神兮燕享鑒觀孔明

姑洗為羽

屹爾王宮泛臨翊翊惠此萬方豈惟五色以修陽政以
習地德雲景杳冥施祥無極

初獻升殿用正安

天宇四霽嘉壇聿崇肅祇嚴祀登降有容仰瞻曜靈位
居其中既安既晏沛哉豐融

奠玉幣用嘉安

物之備矣以交于神時維炎精不忘顧歆經緯之文璆琳之質燦然相輝其儀秩秩

奉俎用豐安

扶桑朝暾和氣肸飭奉此牲牢為俎孔碩芬馨進聞介我黍稷所將以誠茲用享德

酌獻用嘉安

匏爵斯陳百末旨酒勺以獻之再拜稽首鐘鼓在列靈

方安留眷然加薦惟時之休

亞終獻用文安

禮罄沃盥誠意肅將包茅是縮奠畢重觴煥矣情文既具
醉止熙事備成靈其有喜

送神用禮安

義和駕兮其容杲杲將安之兮言歸黃道光赫萬物無古
無今人君之表咸仰照臨

宋夕月樂章

案宋史樂志曰景德夕月降神用高安奠玉幣酌獻
用嘉安送神用高安凡三章

降神用高安

六變

凝陰稟粹照臨八埏麗天垂象繼日代明一氣資始四
時運行靈祇昭格備物薦誠

奠玉幣酌獻用嘉安

夕耀秉秋功存寓縣金奏在縣以時致薦祀事孔寅明
靈降眷潔粢豐盛倉箱流衍

送神用高安

夙陳籩豆潔誠致祈垂休保佑景祚巍巍

大觀夕月樂章

案宋史樂志曰徽宗大觀秋分夕月降神用高安
奠玉幣酌獻送神並用高安凡四章

降神用高安

至陰之精虧而復盈輪高仙桂階應祥奠玉兔影孤金
莖露溢其駕星車顧於茲夕

奠玉幣用高安

玉鉤初彎冰盤乍圓扇掩秋後鳥飛枝邊精凝蟾蜍輝
光嬋娟歆于明祀弭芳節焉

酌獻用高安

名稽漢儀歌參唐宗徃于卿少乘秋氣中周天而行如
姊之崇可飛霞佩下瑠璃宮

送神用高安

四扉大開五雲車立霓裳姊從風翻童執搖曳胥來鉶

洋爰集歆我嚴裡西面以揖

紹興夕月樂章

案宋史樂志曰紹興夕月降神用高安升殿用正
安奠玉幣用嘉安奉俎用豐安酌獻用嘉安亞終
獻用文安送神用理安凡十章

降神用高安

圜鐘為宮

金行告邁玉律分秋禮歲西郊蒞祀聿修精意潛達永

金匱要略卷之八
第九十八
孚于休神之聽之爰格颺游

黃鐘為角

時維秋仲夜寂天清實嚴姊事用答陰靈壇壝斯設黍稷惟馨雲車來下庶歆厥誠

太簇為徵

朔日著明麗天作配潔誠以祠禮行肅拜光凝冕服氣肅環珮庶幾昭格祇而不懈

姑洗為羽

穆穆流輝太陰之精盈虧匪忒寒暑以均克禋克祀揆
日涓辰牲碩酒旨來燕來寧

升殿用正安

猗歟崇基右平左城祇率典常屆茲秋夕陟降惟寅威
儀抑抑神其鑒觀穰簡是集

奠玉幣用嘉安

少采陳儀實曰坎祭禮備樂舉嚴恭將事予以奠之嘉
玉量幣神兮昭受陰騭萬彙

奉俎用豐安

穀旦其羞有牲在滌工祝致告為俎孔碩盼饗是期祚
我明德備茲孝欽式和民則

酌獻用嘉安

白藏在庫享惟其時躬即明壇禮惟載祗斟以瑶爵神
靈燕娛歆馨顧德錫我蕃釐

亞終獻用文安

肅雍嚴祀聖治昭彰清酒既載或肆或將禮匝三獻終

然允藏神具醉止其樂且康

送神用理安

歌奏云闕式禮莫愆以我齊明罄其吉蠲神保聿歸降
康自天蘿圖永固億萬斯年

宋祀高禩樂章

案宋史樂志曰神宗熙寧以後祀高禩降神用高安
升降用正安奠玉幣用嘉安酌獻用祐安亞終獻用
文安送神用理安凡六章按玄鳥至之日以太牢祀

高禘古有其制後自漢迄宋未見樂章至熙寧紹興始創此辭今附錄於郊祀後志典禮也

降神用高安

六變

容臺講禮禘宮立祠司分屆後帶韜陳儀嘉祥萃止靈馭來思皇支蕃衍永固邦基

升降用正安

郊禘之應肇自生商誕膺寶命濬發其祥天材蕃衍德稱君王本支萬世與天無疆

奠玉幣用嘉安

昔帝高辛先禋肇祀爰揆仲陽式祈嘉祉陳之犧牲授以弓矢敷佑皇宗施于孫子

酌獻用祐安

昭薦精衷靈承瑞命青帝顧懷神禋儲慶祚以蕃昌協于熙盛螽斯衆多流于雅詠

亞終獻用文安

赫赫高禋萬世所祀其德不回錫茲福祉蕃衍椒聊和

平采官傳類降康世濟其美

送神用理安

禮奠蠲裘祭儀竣事丕擁靈休蕃衍皇嗣

紹興祀高禔樂章

案宋史樂志曰高宗紹興祀高禔降神用高安升
壇用正安奠玉幣用嘉安奉俎用豐安青帝位酌
獻用祐安亞終獻用文安送神用理安凡十章
降神用高安

圜鐘為宮

聿分春氣施生在時禘宮肇啟精意以祠禮儀告備神
其格思厥靈有赫錫我繁釐

黃鐘為角

眷此尊祀實惟仲春青圭束帛克祀克禋庶蒙嘉惠嗣
續詵詵神之降鑒雲車來臻

太簇為徵

猗歟禘宮祀典所貴粵自艱難禮或弗備以迄于今始

建壇壝願戒雲車歆此誠意

姑洗為羽

春氣肇分萬類滋榮惟此祀事皆象發生求神以類式
昭至誠庶幾來格子孫繩繩

升壇用正安

有奕禋宮在國之南壇壝既設威儀孔嚴登祀濟濟神
兮顧瞻佑我皇祚宜百斯男

奠玉幣用嘉安

青律載陽有鳳頡頏祈我繁祉立于生商三牲既薦玉帛是將克禋克祀有嘉其祥

奉俎用豐安

祇祓禘壇潔蠲羊豕博碩肥腍爰具牲醴執事駿奔肅將俎几神其顧歆永錫多子

青帝位酌獻用祐安

伏羲高辛酌獻並用

瑞鳥至此祀事孔時酌以清酒裸獻載祇神具醉止介我蕃禧乃占吉夢維熊維羆

金匱要略卷之七
第九十八
亞終獻用文安

中春涓吉歲事禘祠禮備樂作籩豆孔時貳觴畢舉薦獻無違庶幾神惠祥啓熊羆

送神用理安

嘉薦令芳有嚴裡祀神來燕娛亦既醉止風馭言還栗然歔起以袂以除錫我蕃祉

宋祀九宮貴神樂章

案宋史樂志曰真宗景德祀九宮貴神降神用高安

奠玉幣酌獻用嘉安送神用高安凡三章案九宮貴
神之祭唐已有之宋亦仍其舊其始於景德者殆真
宗受天書好道之故歟

降神用高安

倬彼垂象昭臨下土躔次運行功德周普九宮既位惟
德是輔神之至止皇皇斯覩

奠玉幣酌獻用嘉安

靈裡既肅明神既秩在國之東協日之吉升歌有儀六

變中律懷和萬靈降茲陰陽

送神用高安

祇薦有常惟神無方回飈整馭垂休降祥

元祐祀九宮貴神樂章

案宋史樂志曰元祐祀九宮貴神降神用景安送神用景安凡二章

降神用景安

六變

上天貴神九宮設位功德及物乃秩明祀望拜紫壇赫

然靈氣奠玉薦幣歆之無愧

送神用景安

天之貴神推移九宮厥位靡常降康則同來集于壇顧
歆恪恭歌以送之颺靜旋穹

紹興祀九宮貴神樂章

案宋史樂志曰高宗紹興祀九宮貴神降神用景
安初獻升壇用正安太一位奠玉幣用嘉安攝提
權星招搖天符青龍咸池太陰天一位樂曲並同

奉俎用豐安太一位酌獻用嘉安攝提等八位並
同亞終獻用文安送神用景安凡十章

降神用景安

圜鐘為宮

紫閣幽宏惟神靈尊輔成泰元贊役乃坤曰雨曰暘
縕豫調紛享薦隕光蒙祉如屯

黃鐘為角

載陽行德農祥孔昭賚茲元嘏穰穰泰苗象輿眇冥金

奏遠姚無闕厥靈丹衷匪悵

太簇為徵

於赫九宮天神之貴煌煌彪列下土是蒞幽贊高穹陰
隲萬類肅若舊典有嚴祗事

姑洗為羽

練時吉良聿崇明祀粢盛潔豐牲碩酒旨肅唱和聲來
燕來止嘉承天休賚及含齒

初獻升壇用正安

於昭斐祀周旋有容歷階將事趨進鞠躬改步如初沒
階彌恭左城右平陟降雍雍

太一位奠玉幣用嘉安

提攝等位樂曲並同

煌煌九宮照臨下土陰騭庶類功施周普恪修祀典禮
備樂舉嘉玉量幣馨非稷黍

奉俎用豐安

靈鑒匪遠誠心肅祗是烝是享俎實孔時禮行樂奏盼
粲是期雲車風馬神其燕娛

太一位酌獻用嘉安

攝提等位樂曲並同

惟天丕冒彪列九神財成元化陰騭下民有酒斯旨登薦苾芬昭哉降鑒弗祿來臻


亞終獻用文安

均調大化陰騭下民駿功有赫誕舉明禋嘉觴中貳執事惟寅清明鬯矣福祿攸臻

送神用景安

薦獻有序降登無違禮樂備舉昭格燕娛雲車縹緲神

曰還歸報以景貺翊我昌期



御製律呂正義後編卷九十八

欽定四庫全書

經部

御製律呂正義後編卷一百九

詳校官內閣學士管理樂部鄒孝

洗馬臣王坦修覆勘

總校官編修臣王燕緒

校對官編修臣勵守謙

謄錄監生臣郝天成

欽定四庫全書

御製律呂正義後編卷九十九

樂章考七

郊祀

宋

宋玉清昭應宮樂章

案宋史樂志曰真宗奉聖祖玉清昭應宮御製樂章
降聖用真安奉香用靈安奉饌用吉安玉皇位酌獻
用慶安聖祖位酌獻用慶安太祖位酌獻用慶安太
宗位酌獻用慶安亞終獻用冲安飲福用慶安徹饌
用吉安送聖用真安凡十一章

降聖用真安

巍巍真宇奕奕殊庭規模太紫炳煥丹青元命祇答大

猷是經多儀有踐丕應無形肆設金石聲聞杳冥佇迴
颺馭永祐基局

奉香用靈安

芳氣上浹颺馭下臨紹承丕緒永勵精明氤氲成霧葱
鬱垂陰虔恭對越介祉攸欽

奉饌用吉安

發祥有自介福無疆紛綸丕應保佑下方嘉薦斯備雅
奏具揚寅威洞達監眎昭章

玉皇位酌獻用慶安

無體之體強名之名監觀萬寓統治九清真期保佑瑞
命昭明乾乾翼翼祇答財成

聖祖位酌獻用慶安

於昭靈貺誕啓鴻源功濟庶彙慶流後昆蘭肴登俎桂
酒盈尊俯迴飈駕永庇雲孫

太祖位酌獻用慶安

赫赫藝祖受命高穹威加海外化浹區中發祥宗祐錫

祐眇冲欽承積德勵翼精衷

太宗位酌獻用慶安

明明文考儲精上蒼禮樂明備溥率賓王功德累洽歷
數會昌孝思罔極丕祐無疆

亞終獻用冲安

太初非有體至道本無聲降迹臨下土成功陟上清至
仁敦動植丕緒啓宗祊紫禁承來格鴻基保永寧發祥
垂誕告致孝薦崇名廣樂神欽奉儲休固太平

飲福用慶安

明明始祖誕啓慶基翼翼後嗣虔奉孝思精潔斯達祉
福咸宜于以報貺于以受釐

徹饌用吉安

雕俎在御飈駕聞聲真遊斯降旨酒斯盈大樂云闋大
禮云成徹彼常薦罄此明誠

送聖用真安

精心既達真遊允臻禮容斯舉福應惟醇將整僊馭言

還上旻永存嘉貺用泰烝民

宋迎奉聖像樂章

案宋史樂志曰迎奉聖像玉皇位聖祖位太祖位太宗位並用慶安凡四章

玉皇位用慶安

玉虛上帝金像眸容宅真雲構練日龜從惟皇對越率禮寅恭靈心丕應福祿來崇

聖祖位用慶安

總化在天保昌厥緒降格皇闈瓊輪載御藻仗星陳睟
容金鑄佑我慶基宅茲靈宇

太祖位用慶安

烝哉大君聿懷帝祖銘範真儀奉尊靈宇至感祥開洪
輝物覩瞻謁盡恭飛英率土

太宗位用慶安

於顯神宗德洽區中祥金爍冶範茲睟容殊庭胥宇備
物致恭明威有赫降福來同

宋玉清昭應宮上尊號樂章

案宋史樂志曰玉清昭應宮上尊號奉告用隆安太
初殿奉冊寶用登安二聖殿奉絳紗祀用登安凡三
章

奉告用隆安

登隆妙號欽翼淵宗茂宣德禮有恪其容奉璋升薦垂
佩彌恭揚休詠美以間笙鏞

太初殿奉冊寶用登安

皇靈垂祐洪福彌隆祇率綿寓潔祀真容嚴恭奉冊對
越清躬睟容肅穆懿號尊崇禮盛樂舉福祿來同

二聖殿奉絳紗袍用登安

赫赫列聖盛德巍然彤彤靈宇睟儀在焉奉以龍袞被
之象天重慶宗稷億萬斯年

又昭應宮奉聖號樂章

案宋史樂志曰太尉奉聖號冊寶用真安冊寶升
殿用大安降神用真安奉玉幣用靈安奉饌用吉

安酌獻用大安飲福用大安亞終獻用正安送神
用真安凡九章

太尉奉聖號用真安

上旻降監介祉實繁邦家修報妙道歸尊增名霄極奉
冊靈軒茂宣聖典永祐黎元

寶冊升殿用大安

圖書昭錫典禮紹成烝民何幸教父儲靈欽承景貺祇
奉崇名致虔寶冊垂祐基局

降神用真安

猶龍之聖降生厲鄉教流清淨道符混茫大君肅謁威儀允臧森羅羽衛躬薦蕭薌簪紱濟濟鐘石洋洋高真至止介福誕祥

奉玉幣用靈安

琳宮奕奕黼座煌煌玉帛成禮飈馭延祥鴻儀有則景福無疆嘉應昭協丕猶誕揚

奉饌用吉安

金奏以諧飈遊斯格靈監章明皇心勵翼肅奉雕俎來
升綵席享德有孚凝禧無數

酌獻用大安

欽崇至道肅謁殊庭順風而拜明德惟馨飈馭來格尊
酒斯盈是酌是獻心通杳冥

飲福用大安

彼渦之壤指李之區千乘萬騎來朝密都躬陳芳薦款
接仙輿飲酒受福永耀鴻圖

亞終獻用正安

邈矣道祖冥幾惚恍常德不離至真無象引位清穹降
祥神壤酌醴薦誠控飈來享

送神用真安

醴醖在戶金奏在庭籩豆有踐黍稷非馨義盡蠲潔誠
通杳冥言旋風駟祚我修齡

宋太極觀奉冊寶樂章

案宋史樂志曰真宗太極觀奉冊寶用登安之曲凡

一章

奉冊寶用登安

薦號穹冥登名祖禰陟配陽郊協宣典禮感電靈區誕
聖鴻懿冊寶斯陳福祿來暨

宋景靈宮奉冊寶樂章

案宋史樂志曰真宗景靈宮奉冊寶用登安之曲凡
一章

奉冊寶用登安

穆穆真宗錫羨蕃昌颺輪臨貺諄誨洞彰虔崇懿號祇
答景祥至誠致享降福無疆

宋親享景靈宮樂章

案宋史樂志曰仁宗景祐元年親享景靈宮降真用
太安送真用太安凡二章

降真用太安

真館奉幣潔齊致馨靈因斯格社稷慶寧

送真用太安

椒漿奠享珍饌精祈眸容杳邈瑤輅霞飛

大觀朝獻景靈宮樂章

案宋史樂志曰徽宗大觀三年朝獻景靈宮奉饌

用吉安凡二章

奉饌用吉安 二章

威靈洋洋靡有常嚮於惟欽承來假來饗博碩芬香是
烝是享奉器有虔載德無爽

爾牲既充是烹是肆爾肴既具是羞是饋非物之重惟

德之備神之格思歆我精意

建炎郊前朝獻景靈宮樂章

案宋史樂志曰高宗建炎郊前朝獻景靈宮皇帝
入門用乾安升殿用乾安降聖用太安盥洗用乾
安聖祖位用乾安聖祖位奉玉幣用靈安還位用
乾安奉饌用吉安再盥洗用乾安再詣聖祖位用
乾安聖祖位酌獻用祖安還位用乾安文舞退武
舞進用正安亞終獻用沖安飲福用報安還位用

乾安徹饌用吉安遂真用太安降殿用乾安望燎
用乾安還大次用乾安凡二十一章案聖祖位酌
獻祖安一章高宗御製寧宗郊前朝獻景靈宮樂
章聖祖位奉玉幣靈安及聖祖位酌獻祖安二章
俱注高宗御製見前而此獨注祖安一章其靈安
一章或史闕文也

皇帝入門用乾安

維皇齊居承神其初顒顒昂昂龍步雲趨景鍾鏗如肅

覲清都肸鬯之交神人用孚

升殿用乾安

帝既臨享罄茲精意對越在天爰升紫陛孔容翼翼保
承丕緒孝奉天儀永錫爾類

降聖用太安

惟德馨香升聞八方粵神臨之來從帝鄉萬靈景衛有
監其光監我精純降福穰穰

盥洗用乾安

齊居皇皇瓊琚鏘鏘承祭之初其如在旁挹彼注茲儲
禧迎祥神之聽之欣欣樂康

聖祖位用乾安

涓選休辰有事嘉薦琅琅瓊珮陟降巖殿其陟伊何幣
玉斯奠周旋中禮千億儲羨

聖祖位奉玉幣用靈安

上靈始祖雲景元尊嚴祀夙展六樂朱軒明玉之潔豐
帛之溫暢乃繼序承德不愆

還位用乾安

我后臨饗奠幣攸畢式旋其趨
榘度有式禮容齋莊孝思純實
天休滋至時萬時億

奉饌用吉安

百職駿奔來相于庭奉盛以告
登茲芳馨際天蟠地默運二靈
神兮來歆祚我休平

再盥洗用乾安

有嚴大禮對時休明情文則燦
燭潔必清再臨觀盥以

專以精真游來格永觀厥成

再詣聖祖位用乾安

於赫炎宋十葉華耀屬茲郊報陟降在廟其降伊何椒
漿桂酒再拜斟酌永御九有

聖祖位酌獻用祖安

瑤源誕啓玉牒肇榮覆育羣有監觀圓清酒醴既洽登
薦惟誠無有後艱駿惠雲仍

還位用乾安

奠鬯告成式旋厥位天步雍容神人燕喜九廟觀德百
靈薦祉子孫其昌垂千萬祀

文舞退武舞進用正安

於皇樂舞進旅退旅一弛一張笙磬具舉豈惟玩聲象
德是似神監孔昭福祿來予

亞終獻用冲安

五音飭奏神既億康澹其容與薦此嘉觴有來顯相錫
玉鏘鏘奉承若宥罔不齊莊

飲福用報安

嘉薦既終神貺斯復賚我思成靈光下燭孝孫承之載
祇載肅敷錫庶民亟蒙祉福

還位用乾安

帝臨闕庭逆釐上靈神鵠安坐肅若有承嘉觴既申德
聞惟馨靈光留俞祚我億齡

徹饌用吉安

普淖既薦苾芬孔時神嗜而顧有來燕娛饗矣將徹載

欽載祇展詩以侑益臻厥熙

送真用太安

雍歌既徹熙事備成神夕奄虞忽乘青冥靈心回眄監
我精裡誕降嘉祉休德昭清

降殿用乾安

我秩元祀上推靈源展事有佺禋威肅然丹城既降秉
心益虔荷天之休于千萬年

望燎用乾安

奕奕靈宮有嚴祀祀燔燎具揚禮儀既備帝心肅祇天步旋止對越在天永膺蕃祉

還大次用乾安

帝將于郊昭事上祀爰茲畢觴復即于此颺游載旋容旌嗇騎維皇嘉承錫祚昌熾

建炎明堂前朝獻景靈宮樂章

案宋史樂志曰高祖建炎明堂前朝獻景靈宮降聖用大安升殿用乾安聖祖位奠玉帛用靈安奉

饌用吉安聖祖位酌獻用祖安文舞退武舞進用
正安亞終獻用沖安飲福用報安徹饌用吉安送
真用大安望燎用乾安凡十章案亞終獻沖安一
章用舊辭考高宗郊前朝獻景靈宮亞終獻亦係
沖安或即用此章也

降聖用大安

德惟馨香升聞八方粵神之從燦然有光驂飛乘蒼啾
啾蹒跚逍遙從容顧予不忘

升殿用乾安

帝既臨享龍馭華耀孝孫承之陟降在廟誠意上交慶
陰下冒天休駢至千億克紹

聖祖位奠玉幣用靈安

玉氣如虹豐繒充筭既奉既將亦奠在位有永禋后實
相祀事何以臨下心意不貳

奉饌用吉安

瓊琚鏘鏘玄衣繡裳薦嘉升香粢盛芬芳禮儀莫愆鼓

鐘噶噶曾孫之常綏福無疆

聖祖位酌獻用祖安

裴回若留靈其有喜薦我馨香挹茲酒醴我祖在天執
道之紀申佑無疆奏神稱禮

文舞退武舞進用正安

進旅退旅載執干戚不愆于儀容服有赫式妥式侑神
保是格靈鑒孔昭孝思維則

飲福用報安

於赫大神總司元化監我純精威光來下延昌之貺千
億馮藉曾孫保之丕平是迓

徹饌用吉安

洋洋降臨肅肅布列熙事既成嘉籙告徹九天儲慶垂
佑無缺寢明寢昌綿綿瓜瓞

送真用太安

高飛安翔持御陰陽幽贊圓穹監觀四方元精回復奄
虞孔良畢觴降嘏偃蹇于驤

望燎用乾安

奕奕原祠有嚴蒞祀禮儀孔宣燔燎斯暨帝心肅祇天
步旋止熙事既成永膺繁祉

乾道明堂前朝獻景靈宮樂章

案宋史樂志曰孝宗乾道明堂前朝獻景靈宮盥
洗用乾安聖祖位用乾安還位用乾安奉饌用吉
安再詣盥洗用乾安再詣聖祖位用乾安還位用
乾安文舞退武舞進用正安凡八章

盥洗用乾安

合宮之饗報本奉先欽惟道祖濬發璿源駕言謁款其
盥惟虔尚監精衷錫祚綿綿

聖祖位用乾安

駿命有開慶基無窮祇率百辟仰瞻睟容鼓鐘斯和黍
稷斯豐靈其居歆福祿來崇

還位用乾安

嘉玉既設量幣既陳髣髴靈游來顧來寧對越伊何厥

惟一純佑我熙事以迄于成

奉饌用吉安

發祥仙源流澤萬世曷其報之親饗三歲相維列卿潔
粢是饋匪物之尚誠之為至

再詣盥洗用乾安

華燈熒煌瑞烟氤氲威神如在蠲潔必親再盥于蠡再
悅于巾皇心肅祇其敢憚勤

再詣聖祖位用乾安

歲逢有年月旅無射我將我饗如幾如式肅爾臣工諧
爾金石本原休功垂裕罔極

還位用乾安

旨酒思柔神具醉止工祝既告孝孫旋位何以酢之純
嘏來備燕及雲來蕃衍無已

文舞退武舞進用正安

象德之成有奕其舞一弛一張進旅退旅嘒以管簫和
以鑼鼓神具樂康永錫多祜

郊前朝獻景靈宮樂章

案宋史樂志曰寧宗郊前朝獻景靈宮皇帝入門
用乾安升殿用乾安降神用大安盥洗用乾安詣
聖祖位用乾安聖祖位奉玉幣用靈安皇帝還位
用乾安奉饌用吉安再盥洗用乾安再詣聖祖位
用乾安聖祖位酌獻用祖安還位用乾安文舞退
武舞進用正安亞獻用沖安終獻用沖安詣飲福
位用乾安飲福酒用報安還位用乾安徹饌用吉

安送真用太安降殿用乾安詣望燎位用乾安還
大次用乾安凡二十四章內聖祖位奉玉帛靈安
聖祖位酌獻祖安宋史樂志俱注高宗御製見前
皇帝入門用乾安

闕幄邃深雲杳冥天清日晡展容玉庭締基發祥希
夷降靈神其來燕是饗是聽

升殿用乾安

帝居瑤圖璇題玉京日月經振列宿上榮桂簋飮芬瑚

器華晶寅承禋祀用戒昭明

降神用大安

六變

圜鐘為宮

四靈晨曜五緯夕明風雲晏和天地粹清靈兮來迎靈
兮來迎啓我子孫饗于純精

黃鐘為角

芬枝揚烈煥珠叶陶闔珍闡符展詩舞節神哉來下神
哉來翔肅若有承靈心招搖

太簇為徵

龍車既奏鳳馭載翔帝幄佇靈天衢騰芳神來留俞神
來蹇驤禮樂明奏假孔將

姑洗為羽

虹旌霓旄鸞旗翠蓋星樞扶輪月御叶衛靈至陰陰靈
般裔裔來格來饗福流萬世

盥洗用乾安

禮文有倂祀事孔明將以潔告允惟齊精自盥而往聿

觀厥成靈監下臨天德其清

詣聖祖位用乾安

維宋有德欽天顧右於皇道祖丕釐靈祐萬藟殖繁瓜
瓞孕茂克昌厥後世世孝奏

皇帝還位用乾安

桂宮沈沈藻儀穆穆天回哀彩風韶璜玉咸英燦亮容
典炳煜假我上靈景命有僕

奉饌用吉安

我簋斯盈我簠斯實或剝或烹或燔或炙有嚴既將為
俎孔碩禮儀卒度永錫爾極

再盥洗用乾安

觴澹初勺禮戒重盥假廟以萃取象于觀清明外暢精
肅中貫我儀圖之三靈攸贊

再詣聖祖位用乾安

肇基駿命肇右鴻業鼎玉龜符垂固萬葉靈貺具臻神
光盥盥暉祚無疆規重矩重

還位用乾安

皇帝瑞慶長發其祥纂系攸遠遡源靈長德之克明休
烈有光配天作極孝饗是將

文舞退武舞進用正安

持翟成象秉朱就列麾乘整溢鳳儀諧節揮舒皇文歌
蹈先烈合好效懼福流有截

亞獻用沖安

光燭紫幄神流玉房秉文侑儀嘉虞貳觴震澹醉喜仿

佛迪嘗璇原之休地久天長

終獻用冲安

靈輿蹇驤畢觴泰筵貳饗允穆裸將克虔垂恩儲祉錫
羨永年將以慶成燕及皇天

詣飲福位用乾安

若木露英清雲流霞蔓蔓芝秀馮馮桂華綿瑞無疆產
嘏孔奢皇則受之輦我帝家

飲福酒用報安

旨酒惟蘭勺漿惟椒福流瓚竿光燭琨瑶拜貺清宮凝
輝慶霄神其如在徘徊招搖

還位用乾安

烝哉我皇繼天毓聖迎釐元都對越靈慶如天斯久如
日斯盛瑶圖濬邈永隆駿命

徹饌用吉安

房鉶陳列室簋登奉告饗具歆展徹惟拱祥光奕奕嘉
氣懔懔受嘏不訐燕天之寵

送真用太安

雲車風馬靈其來游天門軼蕩神其莫留遺慶陰陰祉
發祥流慶我有宋與天匹休

降殿用乾安

璇庭爛景紫殿流光禮洽乾回福應日昌聖系龐鴻景
命溥將德茂功成率祀無疆

詣望燎位用乾安

厥初生民淵濬惟祖芳薦既徹明燎具舉德馨升聞靈

貺蕃詡懷濡上靈佑周之祐

還大次用乾安

帝假于宮彝承清祀天暉臨幄宸衛森峙行繇太室旋
趨紫時率禮不違式敷靈祉

明堂前朝獻景靈宮樂章

案宋史樂志曰理宗明堂前朝獻景靈宮升殿登
歌用乾安亞獻宮架用沖安凡二章餘用舊辭
升殿登歌用乾安

我享我將罄茲精意陟降左右維天與契齊明乃心祇肅在位於萬斯年百福來備

亞獻宮架用沖安

慶雲郁郁鳴璆瑯瑯澹其容與申薦貳觴奉承若宥神其樂康錫以多祉源深流長

宋封禪樂章

案宋史樂志曰真宗大中祥符封禪山上園臺降神用高安昊天上帝坐酌獻用奉安太祖配坐酌獻用

封安太宗配坐酌獻用封安亞獻用恭安終獻用順
安社首壇降神用靖安皇地祇坐酌獻用禪安太祖
配坐酌獻用禪安太宗配坐酌獻用禪安凡十章餘
同南北郊

山上園臺降神用高安

巖巖泰山配德于天奉符展采翼翼乾乾滌濯靜嘉罔
有弗蠲上帝顧諟冷風肅然

昊天上帝坐酌獻用奉安

皇天上帝陰陽下民道崇廣覆化洽鴻鈞靈文誕錫寶
命惟新增高欽事式奉嚴裡

太祖配坐酌獻用封安

於穆聖祖肇開鴻業我武惟揚皇威有暉四隩混同百
靈震疊陟配高穹明靈是接

太宗配坐酌獻用封安

祇若封祀神宗配天禮樂明備奠獻精虔景靈來格休
祥霽然於昭垂慶億萬斯年

亞獻用恭安

因高定位禮修物備薦鬯卜牲虔恭寅畏八音克諧天神咸暨降福穰穰永錫爾類

終獻用順安

浩浩元精無臭無聲臨下有赫得一以清備物致享薦茲至誠泰尊奠獻夙夜齊明

社首壇降神用靖安

至哉坤元資生伊始博厚稱德沉潛柔止降禪方位聿

修明祀寅恭吉蠲永錫蕃祉

皇地祇坐酌獻用禪安

坤德直方博厚無疆秉陰得一靜而有常寶藏以發乃
育百昌肅祇禪祭錫祉穰穰

太祖配坐酌獻用禪安

皇矣聖祖丕赫神武秉運宅中威加九土德厚功崇頌
聲載路陟配方祇對天之祐

太宗配坐酌獻用禪安

祀柔祇報功厚載思文太宗侑神嚴配鐘石斯和邇
豆咸在永錫坤珍寶生為大

宋汾陰樂章

案通考曰真宗景德四年正月遣工部尚書王化基
詣汾陰后土祠致祭又大中祥符四年二月辛酉具
法駕詣睢壇祀后土地祇備三獻以太祖太宗並配
悉如封禪之禮据是汾陰樂章即其時所作降神用
靖安奠玉幣登歌用嘉安奉俎用豐安后土地祇坐

酌獻用博安太祖配坐酌獻用博安太宗配坐酌獻
用博安飲福用博安亞終獻用正安后土廟降神用
靖安酌獻用博安凡十章

降神用靖安

茫茫坤載粵惟太寧資生光大品物流形瞻言汾曲允
宅神靈聖皇躬享明德惟馨

奠玉幣登歌用嘉安

至誠旁達柔祇格思奉以琮幣致誠在茲

奉俎用豐安

博碩者牲載純其色體薦登俎聿崇坤德

后土地祇坐酌獻用博安

秉陰成德敏樹宣功應變審諦神力無窮沉潛剛克流
謙示中潔茲奠獻妙物元通

太祖配坐酌獻用博安

坤元茂育植物成形於穆聖祖功齊三靈嚴恭配侑厚
德攸寧永懷錫羨歆此惟馨

太宗配坐酌獻用博安

報功厚載祀事惟明思文烈考道濟羣生侑神定位協德安平馨潔並薦享于克誠

飲福用博安

寅威寶命明祀惟虔協神備物罔不吉蠲后祇格思靈飏肅然誕受景福遐哉億年

亞終獻用正安

至哉柔祇滋生蕃錫滌濯靜嘉寅恭夕惕金奏純如萬

舞有奕立我烝民莫匪爾極

后土廟降神用靖安

博厚流形秉陰成德柔順利貞直方維則明祇格思素
汾之側祇載吉蠲宸心翼翼

酌獻用博安

至哉物祖設象隆睢動靜之德翕闢攸宜嘉粟以薦精
禱洪釐茂宣陰貺五穀蕃滋

宋祇奉天書樂章

案宋史樂志曰真宗祥符七年奉祀畢天書迴至應天府有雲物之瑞命製是曲以紀休應朝元殿酌獻用瑞文含香園用瑞文泰山社首壇升降用瑞文奉香酌獻用瑞安升降用靈文凡六章

朝元殿酌獻用瑞文

妙道非常神變無方惟天輔德靈貺誕章元文昭錫寶歷彌昌禮崇明祀式薦馨香

含香園用瑞文

運格熙盛將封介丘禮神之域瑞命殊尤靈文薦降丕
顯皇猷聖心肅奉永洽鴻休

泰山社首壇升降用瑞文

玄穹眷懷寶符申錫垂露騰文粲然靈迹發祥吉圖純
熙烏奕登薦欽崇式昭天歷

奉香酌獻用瑞安

二章

謂天蓋高惟皇合德倬彼靈章圖書是錫眷命諄諄被
以遐歷膺錄告成虔恭欽翼

地屆興王祥開圖籙典禮昭成祺祥交屬大輅逶迤卿
雲紛郁祐我含靈錫茲介福

升降用靈文

旻穹無聲惟德是輔降監錫符垂文篆素孝瑞紀封英
聲載路既壽而昌篤天之祐

宋祭九鼎樂章

按宋史樂志曰祭九鼎帝龜降神用景安奉饌用豐
安亞終獻用文安春分蒼鼎亞終獻用成安立夏罔

鼎迎神用凝安亞終獻用成安夏至彤鼎酌獻用成
安立秋阜鼎酌獻用成安秋分晶鼎亞終獻用成安
立冬魁鼎迎神用凝安酌獻用成安冬至寶鼎奠幣
用明安凡十二章按漢唐以來未見設祠九鼎真宗
之祭殆亦如漢武帝之寶鼎歌唐玄宗之龍池樂章
耳

帝鼎降神用景安

土王日記

日號丙丁方號中央德惟其時蠲吉是將夫何飲之黃

流玉瓚夫何食之有陳伊饌

奉饌用豐安

粢盛既豐牲牢既充展茲熙事溫溫其恭惟明欣欣燔
炙芬芬保乎天子繁祉薦臻

亞終獻用文安

工祝致辭黃流協鬯爰登清歌載期神享噫予誠心精
禋是虔嘉予陳祀豐盈豆籩

春分蒼鼎亞終獻用成安

法乾剛兮鑄鼎奠方涓嘉旦兮齋明迎祥胡為持幣維
箱及管胡為和羹有錡維釜

立夏岡鼎迎神用凝安

我方東南我日朱明爰因其時鼎以岡名染盛既馨牲
牲既盈佑我皇家巽令風行

亞終獻用成安

黃流在中惟馨香祀於薦于神爰祇厥事禮從多儀以
進為文尊斚三獻昭示孔勤

夏至彤鼎酌獻用成安

犧尊將將徂基自堂牲牲肥腍鼓鐘喤喤肆予醴齊椒
馨饒香聿來歆顧天祚永昌

立秋阜鼎酌獻用成安

明堂崇享磬筦鏘鏘鏗兮佩舉綦冠齊莊肆陳有序承
筐是將其牲伊何籩豆大房

秋分晶鼎亞終獻用成安

神宮巍巍庭燎有輝聲諧備樂物陳豐儀清酤既載酌

言獻之惟神醉止聿來蕃釐

立冬魁鼎迎神用疑安

時運而冬乃神玄冥陰陽相推豐年以成越陳嘉肅牲
牢粢盛來享來依監于明誠

酌獻用成安

蠱之初登其儀昭陳蠱之既裸其香升聞神心嘉止於
焉欣欣貽我有年穰穰其仁

冬至寶鼎奠幣用明安

秉心齊明奉牲博碩醑絲鏗陳冠佩儼飾其肆其將明
神來格執奠維何猗歟幣帛

宋五嶽加帝號祭告樂章

按宋史樂志曰真宗大中祥符五嶽加帝號祭告迎
神用靜安冊入門用正安酌獻東嶽用嘉安南嶽西
嶽北嶽中嶽並用嘉安送神用靜安凡八章

迎神用靜安

鐘石既作俎豆在前雲旗飛揚神光肅然當駕颺歟來

乎青圓言備緝禮享茲吉燭

冊入門用正安

節彼喬嶽神明之府秩秩威儀肅肅靈宇懿號克崇庶
物咸覩帝籍升名式綏九土

酌獻東嶽用嘉安

節彼岱宗有嚴廟貌惟辟奉天依神設教帝典焜煌嘉
薦普淖至靈格思殊祥是效

南嶽用嘉安

作鎮炎夏畜茲靈光敷與萬物既阜既昌爰刻溫玉式
薦徽章昭嘏神意福熙穰穰

西嶽用嘉安

瞻言太華奠方作鎮典冊是膺等威以峻上公奉儀祀
宮薦信介祉萬邦永配坤順

北嶽用嘉安

仰止靈嶽鎮于朔方增崇懿號度越彝章祇薦嘉樂式
陳令芳永資純佑國祚蕃昌

中嶽用嘉安

巖巖神嶽作鎮中央肅奉徽冊尊名孔章聿降飈駕載
獻蘭觴熙事允洽寶祚彌昌

送神用靜安

祇薦鴻名寅威明祀有楚之儀如在之祭奠獻既終禮
容克備神鑒孔昭福禧來暨

又冊封五嶽帝樂章

按宋史樂志曰天安殿冊封五嶽帝冊出入用正

安凡一章

冊出入用正安

名嶽奠方帝儀克舉吉日惟良九賓咸旅溫玉鏤文纁裳正宁禮備樂成篤神之祐

宋望祭嶽鎮海瀆樂章

按周禮曰大宗伯之職國有大故則旅上帝及四望鄭康成謂四望五嶽四鎮四瀆文獻通考曰宋元豐三年集賢校理陳侂請依周禮建四望壇于四郊詔

下詳定禮文神宗熙寧望祭嶽鎮海瀆東望迎神用
凝安升降用同安奠玉幣用明安酌獻用成安送神
用凝安南望迎神用凝安酌獻用成安送神用凝安
中望迎神用凝安酌獻用成安送神用凝安西望迎
神用凝安酌獻用成安送神用凝安北望迎神用凝
安酌獻用成安送神用凝安凡十七章

東望迎神用凝安

盛德惟木勾芒御神沂岱淮海厥功在民爰熙壇坎裒

對庶神予以歆格靈貽具臻

升降用同安

紳鞞褱兮玉珮榮兮于我將事神燕喜兮帝命望祀敢
有不共往返于位肅肅雍雍

奠玉幣用明安

祀以崇德幣則有儀肅我將事登降孔時精明純潔罔
有弗祇史辭無愧神用來娛

酌獻用成安

肇茲東土含潤無疆維時發春嘉薦令芳祭用雍沈順
性含藏不涸不童誕降祺祥

送神用凝安

神之至止熙壇為春神之將歸祈服振振歟兮迴飈宵
兮旋雲祐于東方永施厥仁

南望迎神用凝安

嵩嵇衡霍暨厥海江時誰長養惠我南邦肆嚴牲幣神
式來降以侑以妥百福是龐

酌獻用成安

景風應律朱鳥開辰肅肅明祀嘉籙列陳牲用牲物樂
奏蕤賓克綏永福祐此下民

送神用凝安

鼓鐘云云歛管伊伊神既醉飽曰送言歸山有厚藏水
有靈德物其永依往奠災宅

中望迎神用凝安

維土作德維帝御行含養載育萬物以成有嚴祀典薦

我德馨神其歆止永用億寧

酌獻用成安

高廣融結實維中央宣氣報功利彼一方坎壇以祀六
樂鏘鏘靈其有喜酌以大璋

送神用凝安

言旋其處以定中域無替厥靈四方是則神永不息祀
永不愆以享以報于萬斯年

西望迎神用凝安

品物順說時司金行于郊迎氣以望庶靈雅歌維樂主
薦維牲作民之社永相厥成

酌獻用成安

西顙沆碣執矩司秋諏言協靈時祀孔修禮有薦獻爰
視公侯扶而祭之百福是道

送神用凝安

我樂我神簋俎腥饗曰神之還西土是宮于蕃禽魚于
衍草木富我藪隰滋我高陸

北望迎神用凝安

帝德乘坎時御閉藏爰潔牲醴兆茲北方海山攸宅神
施無疆具享蠲吉降福孔穰

酌獻用成安

淒寒凝陰隕籜滌場百物順成黍稷馨香歆于北郊爰
因其方何以侑神薦此嘉觴

送神用凝安

維山及川奠宅幽方我度其靈降止靡常肅肅坎壇既

迎既將促樂徹俎是送是望

紹興祀嶽鎮海瀆樂章

按宋史樂志曰高宗紹興祀嶽鎮海瀆東方迎神
用凝安初獻盥洗用同安奠玉幣用明安東嶽位
酌獻用成安東鎮位東海位東瀆位亞終獻酌獻
並用成安送神用凝安南方迎神用凝安初獻盥
洗升降用同安奠玉幣用明安南嶽位酌獻用成
安南鎮位南海位南瀆位亞終獻酌獻並用成安

送神用凝安中央迎神用凝安初獻盥洗升降用
同安奠玉幣用明安中嶽位酌獻用成安中鎮位
亞終獻酌獻並用成安送神用凝安西方迎神用
凝安初獻盥洗升降用同安奠玉幣用明安西嶽
位酌獻用成安西鎮位西海位西瀆位亞終獻並
用成安送神用凝安北方迎神用凝安初獻盥洗
升降用同安奠玉幣用明安北嶽位酌獻用成安
北鎮位北海位北瀆位亞終獻並用成安送神用

凝安凡四十三章

東方迎神用凝安

帝奠九壺孰匪我疆繫我東土山川相望祀事孔時肅
雍不忘業我濛鴻郁哉洋洋

初獻盥洗用同安

青陽肇開祀事孔飭鬱人贊溉其馨苾苾敬爾威儀亦
孔之則神之格思無我有斁

奠玉幣用明安

司歷告時惟孟之春爰舉時祀旅于有神鼓鐘既設珪帛具陳阜蕃庶物以福我民

東嶽位酌獻用成安

巖巖天齊自古在昔膚寸之雲四方其澤惟時東作祀事乃飭惠我無疆恩霑動植

東鎮位用成安

惟山有鎮雄于其方東孰為雄于沂之疆祀事有時爰舉舊章我望匪遙庶幾燕饗

東海位用成安

頤洞鴻濛天與無極導納江漢節宣南北順助其功善
下惟德我祀孔時以介景福

東瀆位用成安

我祀伊何于彼長淮導源桐栢委注蓬萊扞齊護楚宣
威示懷豆邊列陳亦孔之偕

亞終獻酌獻用成安

四位並同

我祀孔肅神其安留容與裴回若止若浮洽此重觴申

以百羞無我數遺萬邦之休

送神用凝安

蹇兮紛紛神實戾止以飲以食以享以祀
眴兮冥冥神亦歸止以醉以飽以錫爾祉

南方迎神用凝安

朱明盛長我祀用飭厥祀伊何山川咸秩如將見之繩
繩齊栗神哉沛兮消搖來格

初獻盥洗升降用同安

爰熙嘉壇揭虔陟祀鬱人沃盥贊我裸事于降于登以
作以止莫不肅雍告靈饗矣

奠玉幣用明安

我祀我享儀物孔周一純斯舉二精聿修璞兮其溫絲
兮其紕是薦潔蠲神兮安留

南嶽位酌獻用成安

神曰司天居南之衡位焉則帝于以奠方南訛秩事望
禮有常庶幾嘉虞介福無疆

南鎮位用成安

維南有山于彼會稽作鎮在昔神則司之厥有舊典以祀以時百味維旨靈其燕娛

南海位用成安

維水善下利物曰功逶迤百川誰歟朝宗蕩蕩大受於焉會同翬蕭列陳以答鴻濛

南瀆位用成安

四瀆之利經營中國南曰大江險兮天設惟爾有神隄

其廟食望秩孔時我心翼翼

亞終獻酌獻用成安

神之游兮洋洋對越澹乎容與肸鬯斯答乃奏既備八
音攸節重觴申陳百禮以洽

送神用凝安

薦徹豆籩熙事備成靈兮將歸羽旄紛紜飄其逝矣浮
空爾雲悵然顧瞻有撫懷心

中央迎神用凝安

天作高山屹然中峙經營厥宇萬億咸遂火熙土王爰
舉時祀繩繩宣延彷彿來止

初獻盥洗升降用同安

思來感格肅雍不忘禮儀既備濟濟蹒蹒潔蠲致敬往
薦其芳交若有承神兮孔饗

奠玉幣用明安

練日有望高靈來下何以告誠心惟物假有籩斯實有
寶斯藉於以奠之神光燭夜

卷九十九
中嶽位酌獻用成安

與天齊極伊嵩之高顯靈效異神休孔昭飭我祀事實
俎鸞膺以侑旨酒其馨有椒

中鎮位用成安

禹畫九州河內曰冀霍山崇崇作鎮積勢我祀如何百
末旨味承神燕娛諸神畢至

亞終獻酌獻用成安

禮樂既成肅容有常奄留消搖申卑重觴仰臚所求降

福滂洋師象山則以況皇章

送神用凝安

虞至旦兮靈亦有喜蹇欲驤兮象輿已轍粥音送兮靈
聿歸矣長無極兮錫我以祉

西方迎神用凝安

有爰斯安有涵斯洽聿相厥成允祀是答爰飭迺奏迺
奏既協於昭降止是遵是接

初獻盥洗升降用同安

靡實不新靡陳不濯人之弗蠲矧敢將酌載晞之悅載
濡之勺洗儀告備陟降時若

奠玉幣用明安

彼林有展彼澤有沈猗與西望弗非弗淫迺追斯邸迺
恍斯尋印禮既卒是用是歆

西嶽位酌獻用成安

屹削厥方風雲斯所陰邑有宮伬伬俟俟清醑在尊靈
春在下于俎獻兮則莫我吐

西鎮位用成安

維吳崇崇于沂之西瞻彼有隴赫赫不迷克禪於獄我
酌俶齊於凡有旅眊公維躋

西海位用成安

奄浸坤軸滋殖其濊而典斯稽有陞有燾弗替時舉元
肇斯酌胡先于河實委之會

西瀆位用成安

自彼崐虛于以潜流念茲誕潤豈侯不猶在昔中府暨

海幸修迄既望止神保先酋

亞終獻用成安

肅肅其乂既旨既溢迨其畢酌偏茲博碩祀事既遂不敢辭射神或醉止我心斯懌

送神用凝安

迺羞既徹迺奏及闕無餽斯俎式聽致謁不蹇不蹶不沸不決厲魃其祛永庇有截

北方迎神用凝安

我土綿綿孰匪疆理惟時幽都匪曰隕只滌哉良月朔
風其同曷阻曷深其亦來降

初獻盥洗升降用同安

壽官燁煌聿修時祀續其臨矣吉蠲以竢居乎昂昂行
乎遂遂敬爾攸司展采錯事

奠玉幣用明安

相予陰威厥功浩浩一歲之功何以為報府有珪幣我
其敢私肅肅孔懷予以將之

北嶽位酌獻用成安

瞻彼芒芒曰北之常既高既厚迺紀迺綱薦鬯伊始靈
示孔將元服鐵駕覽此下方

北鎮位用成安

赫赫作鎮幽朔之垂兼福我民食哉具宜克配彼嶽有
嚴等衰蠲我濯禮其敢不祇

北海位用成安

八裔皆水此一會同云云天墟洞蕩洪濛至哉維坎不

有斯功所秩伊何黃流在中

北瀆位用成安

水星之精播液發靈不脅于河既介以清翼翼盥薦椒
糝芬馨載止載留爰弭翠旌

亞終獻用成安

俎豆紛披金石繁會侑以貳尊匪瀆匪怠我儀既周我
心孔戒愴兮容與彷彿如在

送神用凝安

靈既醉飽禮斯徹兮靈亦樂康樂斯闋兮雲征飈舉不可尼兮薦福錫祉曷有極兮

宋祭海神樂章

案宋史樂志曰理宗淳祐祭海神迎神用始安升降用欽安東海位奠玉幣用德安南海位奠玉幣用瀛安西海位奠玉幣用潤安北海位奠玉幣用瀚安捧俎用豐安東海位奠酌獻用熙安南海位酌獻用貴安西海位酌獻用類安北海位酌獻用溥安亞終獻

用饗安送神用成安凡十六章案理宗享國四十餘
年凡禮樂之事式遵舊章未嘗有所改作而此祭海
神樂章獨不相沿襲者毋迺如白虎通所謂為天下
求福報功歟

迎神用始安

宮一曲

堪輿之間最鉅惟瀛包乾括坤吐日滔星祀典載新禮
樂孔明鑒我嘉賴來燕來迎

角一曲

四溟廣矣八紘是紀我宅東南迴復萬里洪濤颶風安
危所倚祀事特隆神其戾止

徵一曲

若稽有唐克致崇極祝號既升爰增祭式從享于郊神
斯受職我祀肇新式祈陰隲

羽一曲

猗與祀禮四海會同靈之來沛鞭霆馭風矜蠻彷彿在

位肅雍佑我烝民式儼神功

升降用欽安

靈之來至垂慶陰陰靈之已坐飭茲五音壇殿聿嚴陟
降孔欽靈宜安留鑒我德心

東海位奠玉幣用德安

百川所歸天地之左瀕洞鴻濛功高善下行都攸依百
祿是荷制幣嘉玉以侑以安

南海位奠玉幣用瀛安

祝融之位青乎三神吞納江漢廣大無垠長為委輸祐
我黎民敬陳明享允鑒恭勤

西海位奠玉幣用潤安

蒲昌之澤派引天潢羲娥出入浩渺微茫蓋高斯覆猶
隔封疆我思六合肇正吉昌

北海位奠玉幣用瀚安

瀚海重潤地紀亦歸吞受百瀆限制北陸一視同仁我
心則怡嘉薦玉幣神其格思

捧俎用豐安

昭格靈貺祝典肇升牲牷告充雕俎是承薦虔效物省
德惟馨靈其有喜萬宇肅澄

東海位奠酌獻用熙安

滄溟之德東南具依熬波出素國計攸資石臼却敵濟
我土師祀其享錫益畀燕綏

南海位酌獻用貴安

南溟浮天旁通百蠻風檣迅疾琛舶來還民商永賴坐

邊豆有楚貳觴斯旅神其醉飽式燕以序百靈秘怪蛻
蜚飛舞錫我祺祥有永終古

送神用成安

告靈饗矣錫我嘉祚乾端坤倪開豁呈露玄雲聿收羣
龍咸驚滅除凶災六幕清豫

御製律呂正義後編卷九十九